

ქ. თბილისის მუნიციპალიტეტის მერია



ქ. თბილისის მუნიციპალიტეტის 10 გამგეობის, 159 ბაგა-ბაღის და 7 აღსადგენი ტერიტორიის
გასამწვანებლად ჩვეულებრივი ცაცხვის ნერგების (დარგვით) სახელმწიფო შესყიდვის ელექტრონული
ტენდერის

სატენდერო დოკუმენტაცია

ქ. თბილისი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური მოთხოვნები	4
3. სხვა მოთხოვნები.....	5
4. დამატებითი ინფორმაცია	7
5. სახელმწიფო შესყიდვის შესახებ ხელშეკრულების პროექტი.....	8
6. დანართი №1 (რეკვიზიტები).....	14
7. დანართი №2 (ფასების ცხრილი).....	15

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური მოთხოვნები

2.1 შესყიდვის ობიექტის ტექნიკური პირობები და რაოდენობა:

- ფოთლოვანი მერქნიანი მცენარის ჩვეულებრივი ცაცხვის (*Tilia vulgaris*) ნერგების (დარგვით) შესყიდვა, საერთო რაოდენობა 3600 (სამი ათას ექვსასი) ცალი. ნერგები უნდა იყოს თავგადაუქრელი. მიმწოდებელი ვალდებულია ნერგების ხმობის შემთხვევაში 2015 წლის 1 აპრილამდე საკუთარი ხარჯებით უზრუნველყოს გამხმარი ნერგების სანაცვლოდ იმავე სახეობის და რაოდენობის ნერგების ჩანაცვლება.
- მიმწოდებელი ვალდებულია დაკვეთიდან 24 საათის განმავლობაში უზრუნველყოს ნერგების მიწოდება და დარგვა. იმ შემთხვევაში, თუ გარემო პირობების ან გაუთვალისწინებელი გარემოებების გამო შეუძლებელია ადგილზე მიტანილი ნერგების დარგვა, მიმწოდებელმა უნდა უზრუნველყოს ნერგების შენახვა მომდევნო დაკვეთამდე ისეთ პირობებში, რომ არ დაირღვეს მცენარეთა სასიცოცხლო ფუნქცია.
- პრეტენდენტის მიერ ერთიან ელექტრონულ სისტემაში ატვირთულ უნდა იქნას სატენდერო დოკუმენტაციაში მოცემული მცენარის სახეობის დამადასტურებელი დოკუმენტი (მცენარის წარმოშობის და რაოდენობის მითითებით).
- შემსყიდველი უფლებამოსილია ელექტრონული ვაჭრობის დასრულებიდან ხელშეკრულების გაფორმებამდე ნებისმიერ ეტაპზე მიმართოს ყველაზე დაბალი ფასის მქონე პრეტენდენტს და მოახდინოს მისი ნერგების ნიმუშების შემოწმება სატენდერო დოკუმენტაციით განსაზღვრულ პირობებთან მათი შესაბამისობის დადგენის მიზნით. აღნიშნული შემოწმება განხორციელდება შემსყიდველის მიერ საამისოდ გამოყოფილი ინსპექტირების ჯგუფის მიერ და გაფორმდება დათვალიერების აქტი (დასურათებული).
- მიმწოდებელი ვალდებულია მიღება-ჩაბარების აქტთან ერთად წარმოადგინოს დარგული ნერგების საშემსრულებლო ნახაზები აბსოლუტურ ნიშნულებში (x,y,z).
- შემსყიდველის მიერ ინსპექტირება განხორციელდება ყოველთვიურად, ხელშეკრულების გაფორმებიდან 2015 წლის 1 აპრილამდე.
- მიმწოდებელი ვალდებულია 2015 წლის 1 აპრილს, ხელშეკრულებით გათვალისწინებული ყველა დარგული ნერგი 100%-იანი გახარებით და გამართული დამცავი აღჭურვილობით (*ხის ჭიგო და კანაფის თოკის სამაგრი*) მიღება-ჩაბარების აქტის საფუძველზე გადასცეს მოვლა-პატრონობის განმახორციელებელ მომდევნო კომპანიას.

№	დასახელება	ნერგის პარამეტრები	რაოდენობა
1	ჩვეულებრივი ცაცხვი (<i>Tilia vulgaris</i>) • ორმოს ამოღება (40×50) და ნერგის დარგვა; • ახალ დარგული ნერგებისათვის ჯამების მოწყობა; • ნერგების მორწყვა (ძირზე 10 ლიტრი); • მცენარის დასამაგრებელი ხის ჭიგოს (სიმაღლე 1,8 მ, დ=4სმ) დამზადება, ადგილზე მიტანა და დარჭობა; • მცენარეების დასამაგრებლად გამოსაყენებელი სამაგრი (კანაფის თოკის, მცენარის ხის ჭიგოზე დამაგრება).	• განვითარების სტადია 4-5 წელი • სიმაღლე – 170-220 სმ	3600

მცენარის საგარანტიო მომსახურება მოიცავს:

- დარგული ნერგებისათვის ჯამების გაფხვიერება;
- დარგული ნერგების მორწყვა (ძირზე 10 ლიტრი);
- მცენარეების დასამაგრებლად გამოყენებული ხის ჭიგოს და სამაგრის გამართულ მდგომარეობაში შენარჩუნება.

საგარანტიო პერიოდში ნერგების ხმობის შემთხვევაში, გამხმარი ნერგების სანაცვლოდ დარგული ახალი ნერგებისთვის:

- ორმოს ამოღება (40×50) და ნერგის დარგვა;
- ახალ დარგული ნერგებისათვის ჯამების მოწყობა;
- ნერგების მორწყვა;
- მცენარის დასამაგრებელი ხის ჭიგოს (სიმაღლე 1,8 მ, დ=4სმ) დამზადება, ადგილზე მიტანა და დარჭობა;
- მცენარეების დასამაგრებლად გამოსაყენებელი სამაგრი (კანაფის თოკის, მცენარის ხის ჭიგოზე დამაგრება).

3. სხვა მოთხოვნები

3.1 მიწოდების ვადა და ადგილი:

3.1.1 მიწოდების ვადა:

- ნერგების მიწოდება და დარგვა - 2014 წლის 28 დეკემბრამდე, დაკვეთიდან 24 საათში;
- ნერგების საგარანტიო პერიოდი – ნერგის მიწოდებისა და დარგვიდან 2015 წლის 1 აპრილამდე;
- 2015 წლის 1 აპრილამდე, ნერგების ხმობის შემთხვევაში, გამხმარი ნერგების სანაცვლოდ, იმავე სახეობის და რაოდენობის ნერგების ჩანაცვლება შემსყიდველის შეტყობინებიდან (წერილობითი ფორმით, ტელეფონით (SMS) ან ელ-ფოსტის საშუალებით, სადაც გაგზავნილი ინფორმაცია ჩაითვლება ოფიციალურ შეტყობინებად) არაუგვიანეს 5 (ხუთი) სამუშაო დღის ვადაში.

3.1.2 მიწოდების ადგილი: შემსყიდველის მიერ მითითებული ტერიტორია ქ. თბილისის ფარგლებში.

3.2 სატენდერო წინადადების ფასი:

3.2.1 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

3.3 ანგარიშსწორების პირობები:

3.3.1 ანგარიშსწორება მოხდება უნაღდო ანგარიშსწორებით ლარში.

3.3.2 ანგარიშსწორება განხორციელდება 2014 ბიუჯეტის სახსრებით, ეტაპობრივად, ნერგების მიწოდების და დარგვის შემდეგ მიღება-ჩაბარების აქტის გაფორმებიდან და შესაბამისი საგადასახადო დოკუმენტაციის წარმოდგენიდან 30 კალენდარული დღის განმავლობაში, არაუგვიანეს 2014 წლის 31 დეკემბრისა.

3.3.3 წინასწარი ანგარიშსწორების (ავანსი) გამოყენება შესაძლებელია საავანსო თანხის იდენტური ოდენობის, უპირობო, გამოუთხოვადი საბანკო გარანტიის (გაცემული საბანკო დაწესებულების მიერ) წარმოდგენის შემთხვევაში (რომლის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს საქონლის მიწოდების (დარგვით) ვადას) ხელშეკრულების საერთო ღირებულების არაუმეტეს 100%-ის ოდენობით.

3.4. პრეტენდენტის მიერ ერთიან ელექტრონულ სისტემაში ასატვირთი მონაცემები:

3.4.1 რეკვიზიტები დანართი №1-ის მიხედვით;

3.4.1 ფასების ცხრილი დანართი №2-ის მიხედვით;

3.4.2 სატენდერო დოკუმენტაციის 2.1 პუნქტსა და ფასების ცხრილში (დანართი №2) მოცემული მცენარის სახეობის დამადასტურებელი დოკუმენტი (მცენარის წარმოშობის და რაოდენობის მითითებით).

4. მიწოდებული ობიექტის ხარისხის გარანტია

4.1 მიწოდებული ობიექტის ხარისხის საგარანტიო ვადა განისაზღვროს 2015 წლის 1 აპრილამდე.

4.2 ობიექტის მიწოდების (ნერგების მიწოდებისა და დარგვის) შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას აღნიშნული წუნი (ნაკლოვანებები, დეფექტი) საკუთარი ხარჯებით შემსყიდველის შეტყობინებიდან (წერილობითი ფორმით, ტელეფონით (SMS) ან ელ-ფოსტის საშუალებით, სადაც გაგზავნილი ინფორმაცია ჩაითვლება ოფიციალურ შეტყობინებად) არაუგვიანეს 5 (ხუთი) სამუშაო დღის ვადაში.

4.3 მიწოდებული ობიექტის ხარისხის დაცვის უზრუნველსაყოფად მიწოდებული ობიექტის ღირებულებიდან დაკავებული იქნება 5%. დაკავებული 5%-დან 2,5%-ის გადახდა განხორციელდება ობიექტის სრულად მიწოდებისა და საბოლოო მიღება-ჩაბარების აქტის გაფორმების შემდეგ, ხოლო დარჩენილი 2,5%-ის გადახდა მოხდება ხარვეზების აღმოფხვრის და საგარანტიო ვადის გასვლის შემდეგ.

4.4 მიმწოდებლის მხრიდან, საგარანტიო პერიოდის სრული ვადის ამოწურვამდე, დარჩენილ 2,5 %-ზე უპირობო, გამოუთხოვადი საბანკო გარანტიის წარმოდგენის შემთხვევაში, შესაძლებელია განხორციელდეს თანხის გადახდა.

4.5 თუ მიმწოდებელი არ ასრულებს სატენდერო პირობების 4.2 პუნქტის მოთხოვნებს მაშინ 4.3 პუნქტით განსაზღვრული დარჩენილი 2,5 % არ ანაზღაურდება.

4.6 თუკი ხელშეკრულების საგარანტიო პერიოდის ვადის გასვლამდე გამოვლენილი ხარვეზების შედეგად შემსყიდველს მიადგა ზარალი დარჩენილ 2,5 %-ზე მეტი ოდენობით,

მიმწოდებელი იღებს ვალდებულებას გადაუხადოს შემსყიდველს შესაბამისი ნარჩენი ღირებულება ან აღმოფხვრას წუნი საკუთარი ხარჯებით შემსყიდველის შეტყობინებიდან (წერილობითი ფორმით, ტელეფონით (SMS) ან ელ-ფოსტის საშუალებით, სადაც გაგზავნილი ინფორმაცია ჩაითვლება ოფიციალურ შეტყობინებად) არაუგვიანეს 5 (ხუთი) სამუშაო დღის ვადაში.

5. დამატებითი ინფორმაცია:

5.1 პრედენდენტს არა აქვს უფლება წარმოადგინოს ალტერნატიული სატენდერო წინადადება.

5.2 სატენდერო დოკუმენტაციასთან დაკავშირებული განმარტებების მიღება პრედენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, ჟ. შარტავას ქუჩა №7, მე-15 სართული. საკონტაქტო პირი: მაია კვარაცხელია, ტელ: +99532 237 85 68.

ხელშეკრულება
სახელმწიფო შესყიდვის შესახებ №

პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში

ქ. თბილისი

2014 წელი

1. ხელშეკრულების დამდები მხარეები

ერთის მხრივ ქალაქ თბილისის მუნიციპალიტეტის მერია წარმოდგენილი ----- სახით (შემდგომში – შემსყიდველი), და მეორეს მხრივ „-----“ („შემდგომში მიმწოდებელი“) სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება და ხელშეკრულების მოქმედების ვადა**

2.1 ხელშეკრულების (შესყიდვის) ობიექტია - ქ. თბილისის მუნიციპალიტეტის 10 გამგეობის, 159 ბაგა-ბაღის და 7 აღსადგენი ტერიტორიის გასამწვანებლად ჩვეულებრივი ცაცხვის 3600 ცალი ნერგის (დარგვით) შესყიდვა.

2.2 შესყიდვის საშუალება: ელექტონული ტენდერი.

2.3 ელექტონული ტენდერის განცხადების ნომერი -----

2.4 ხელშეკრულების საერთო ღირებულება შეადგენს ----- ლარს, ყველა გადასახადის ჩათვლით.

2.5 კლასიფიკატორის კოდი - **03451000; 03452000;**

2.6 ხელშეკრულება ძალაშია მხარეთა მიერ ხელმოწერიდან ----- -მდე/ჩათვლით.

3. შესყიდვის ობიექტის მიწოდების პირობები

3.1 მიწოდების ვადა:

- ნერგების მიწოდება და დარგვა - 2014 წლის 28 დეკემბრამდე, დაკვეთიდან 24 საათში;
- ნერგების საგარანტიო პერიოდი – ნერგის მიწოდებისა და დარგვიდან 2015 წლის 1 აპრილამდე;
- 2015 წლის 1 აპრილამდე, ნერგების ხმობის შემთხვევაში, გამხმარი ნერგების სანაცვლოდ, იმავე სახეობის და რაოდენობის ნერგების ჩანაცვლება შემსყიდველის შეტყობინებიდან (წერილობითი ფორმით, ტელეფონით (SMS) ან ელ-ფოსტის საშუალებით, სადაც გაგზავნილი ინფორმაცია ჩაითვლება ოფიციალურ შეტყობინებად) არაუგვიანეს 5 (ხუთი) სამუშაო დღის ვადაში.

3.2 მიწოდების ადგილი: შემსყიდველის (წარმოდგენილი ქ. თბილისის მუნიციპალიტეტის მერიის ეკოლოგიისა და გამწვანების საქალაქო სამსახურის სახით) მიერ მითითებული ტერიტორია ქ. თბილისის ფარგლებში.

3.3 მიმწოდებელმა უნდა უზრუნველყოს მისაწოდებელი მცენარეების შენახვა შესაბამისი ნორმების დაცვით. აგროტექნიკური პირობების დაცვით ექსპლუატაციის შემთხვევაში მიმწოდებელმა უნდა უზრუნველყოს მცენარეების 100%-იანი გახარება.

4. შესყიდვის ობიექტის ხარისხის გარანტია

4.1 მიწოდებული ობიექტის ხარისხის საგარანტიო ვადა განისაზღვროს 2015 წლის 1 აპრილამდე.

4.2 ობიექტის მიწოდების (ნერგების მიწოდებისა და დარგვის) შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას აღნიშნული წუნი (ნაკლოვანებები,

დეფექტი) საკუთარი ხარჯებით შემსყიდველის შეტყობინებიდან (წერილობითი ფორმით, ტელეფონით (SMS) ან ელ-ფოსტის საშუალებით, სადაც გაგზავნილი ინფორმაცია ჩაითვლება ოფიციალურ შეტყობინებად) არაუგვიანეს 5 (ხუთი) სამუშაო დღის ვადაში.

4.3 მიწოდებული ობიექტის ხარისხის დაცვის უზრუნველსაყოფად მიწოდებული ობიექტის ღირებულებიდან დაკავებული იქნება 5%. დაკავებული 5%-დან 2,5%-ის გადახდა განხორციელდება ობიექტის სრულად მიწოდებისა და საბოლოო მიღება-ჩაბარების აქტის გაფორმების შემდეგ, ხოლო დარჩენილი 2,5%-ის გადახდა მოხდება ხარვეზების აღმოფხვრის და საგარანტიო ვადის გასვლის შემდეგ.

4.4 მიმწოდებლის მხრიდან, საგარანტიო პერიოდის სრული ვადის ამოწურვამდე, დარჩენილ 2,5 %-ზე უპირობო, გამოუთხოვადი საბანკო გარანტიის წარმოდგენის შემთხვევაში, შესაძლებელია განხორციელდეს თანხის გადახდა.

4.5 თუ მიმწოდებელი არ ასრულებს სატენდერო პირობების 4.2 პუნქტის მოთხოვნებს მაშინ 4.3 პუნქტით განსაზღვრული დარჩენილი 2,5 % არ ანაზღაურდება.

4.6 თუკი ხელშეკრულების საგარანტიო პერიოდის ვადის გასვლამდე გამოვლენილი ხარვეზების შედეგად შემსყიდველს მიაღება ზარალი დარჩენილ 2,5 %-ზე მეტი ოდენობით, მიმწოდებელი იღებს ვალდებულებას გადაუხადოს შემსყიდველს შესაბამისი ნარჩენი ღირებულება ან აღმოფხვრას წუნი საკუთარი ხარჯებით შემსყიდველის შეტყობინებიდან (წერილობითი ფორმით, ტელეფონით (SMS) ან ელ-ფოსტის საშუალებით, სადაც გაგზავნილი ინფორმაცია ჩაითვლება ოფიციალურ შეტყობინებად) არაუგვიანეს 5 (ხუთი) სამუშაო დღის ვადაში.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი და თანმდევი მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან ყოველთვიურად, ხელშეკრულების გაფორმებიდან 2015 წლის 1 აპრილამდე განახორციელებენ ქ. თბილისის მუნიციპალიტეტის მერიის ეკოლოგიისა და გამწვანების საქალაქო სამსახურის თანამშრომლები.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის 5.4 პუნქტში მითითებული პირები).

6.2 მიმწოდებლის მიერ მიღება-ჩაბარების აქტის გაფორმებისას წარმოდგენილი უნდა იქნას მცენარის იდენტურობის (მათ შორის პარამეტრების) დამადასტურებელი დოკუმენტაცია.

6.3 მიმწოდებელი ვალდებულია მიღება-ჩაბარების აქტთან ერთად წარმოადგინოს დარგული ნერგების საშემსრულებლო ნახაზები აბსოლუტურ ნიშნულებში (x,y,z).

6.4 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2014 ბიუჯეტის სახსრებით, ეტაპობრივად, ნერგების მიწოდების და დარგვის შემდეგ მიღება-ჩაბარების აქტის გაფორმებიდან 30 კალენდარული დღის განმავლობაში, არაუგვიანეს 2014 წლის 31 დეკემბრისა.

7.3 ხელშეკრულების 8.2 პუნქტის დარღვევის შემთხვევაში მიმწოდებელზე დაკისრებული ჯარიმის ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ.

7.4 წინასწარი ანგარიშსწორების (ავანსი) გამოყენება შესაძლებელია საავანსო თანხის იდენტური ოდენობის, უპირობო, გამოუთხოვადი საბანკო გარანტიის (გაცემული საბანკო დაწესებულების მიერ) წარმოდგენის შემთხვევაში (რომლის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს საქონლის მიწოდების (დარგვით) ვადას) ხელშეკრულების საერთო ღირებულების არაუმეტეს 100%-ის ოდენობით.

7.5 წინასწარი გადახდის თანხების (ავანსი) დაკავება განხორციელდება ქალაქ თბილისის მუნიციპალიტეტის მერის 2014 წლის 4 სექტემბრის №508 ბრძანების შესაბამისად - „ქ. თბილისის მუნიციპალიტეტის ბიუჯეტით განსაზღვრული ასიგნებებიდან ფაქტობრივი ხარჯების გაწევამდე ხელშეკრულებით გათვალისწინებული წინასწარ გადახდილი სახსრების დამოწმების შესახებ“.

8. ხელშეკრულების პირობების შეუსრულებლობა **(საჯარიმო სანქციები, ფორმა, ოდენობა, და გადახდის ვადები)**

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველი კონკრეტული დავალების შესაბამისად ყოველ ვადაგადაცილებულ დღეზე ყოველი კონკრეტული დავალების ღირებულების 1%-ის ოდენობით. ასევე, თუკი ადგილი აქვს ვალდებულების ნაწილის შეუსრულებლობას, პირგასამტეხლოს ოდენობა შეადგენს ვალდებულების შეუსრულებელი ნაწილის 1%-ს ყოველ ვადაგადაცილებულ დღეზე.

8.3 ხელშეკრულებით ნაკისრი ვალდებულებების ორჯერ დარღვევის, შესყიდვის ობიექტის მიწოდების ვადის 15 კალენდარულ დღეზე მეტი ვადით გადაცილებისა და ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.5 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, დაეკისრება პირგასამტეხლო, მიმწოდებლისათვის ჩასარიცხი თანხის 0,5%-ის ოდენობით, ყოველ ვადაგადაცილებულ დღეზე.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) მიმწოდებლის მიერ შესყიდვის ობიექტის მიწოდების ვადის 15 კალენდარულ დღეზე მეტი ვადით გადაცილების შემთხვევაში;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ღირებულება

13.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

13.2 მხარეთა შეთანხმებით დასაშვებია ხელშეკრულების ღირებულების შეცვლა.

13.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით, სადაც გაგზავნილი შეტყობინება/დაკვეთა ჩაითვლება ოფიციალურ დაკვეთად. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან ტელეფონით დაკვეთის შემთხვევაში მიმწოდებელს 24 საათის განმავლობაში ჩართული უნდა ჰქონდეს 14.2 პუნქტში მითითებული მობილური და ქალაქის ტელეფონის ნომრები.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი ----- (ორი მობილური ტელეფონის და ერთი ქალაქის ტელეფონის ნომერი); საკონტ. პირი ბ/ქ-ნ -----, ელექტრონული ფოსტა: -----; ფაქსი (არსებობის შემთხვევაში): -----.

ბ) შემსყიდველის შემდეგი რეკვიზიტები: ტელეფონის ნომერი -----; საკონტ. პირი პირი ბ/ქ-ნ -----, ელექტრონული ფოსტა: -----.

14.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17. მხარეთა იურიდიული რეკვიზიტები

შემსყიდველი:

მიმწოდებელი:

რეკვიზიტები:

დანართი №1

პრეტენდენტის იურიდიული ფორმა და დასახელება:	
ხელმძღვანელის თანამდებობა, სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელექტრონული მისამართი:	
ბანკის დასახელება/ბანკის კოდი	
ანგარიშსწორების ანგარიშის ნომერი:	

პრეტენდენტის ხელმოწერა_____

ფასების ცხრილი

პრეტენდენტის დასახელება _____

№	დასახელება	ნერგის პარამეტრები	რაოდენობა	ერთეულის ღირებულება (ლარი)	საერთო ღირებულება (ლარი)
1	ჩვეულებრივი ცაცხვი (Tilia vulgaris) • ორმოს ამოღება (40×50) და ნერგის დარგვა; • ახალ დარგული ნერგებისათვის ჯამების მოწყობა; • ნერგების მორწყვა (ძირზე 10 ლიტრი); • მცენარის დასამაგრებელი ხის ჭიგოს (სიმაღლე 1,8 მ, დ=4სმ) დამზადება, ადგილზე მიტანა და დარტობა; • მცენარეების დასამაგრებლად გამოსაყენებელი სამაგრი (კანაფის თოკის, მცენარის ხის ჭიგოზე დამაგრება)	• განვითარების სტადია 4-5 წელი • სიმაღლე – 170-220 სმ	3600		

ხელმოწერა ----- ბ.ა